

Missaghju

Tanta suffrenza
Spaspersa in lu mondu
L'omu chi vole campà
A me speranza
In missaghju mandu
Quellu chi cerca à lotta.

Fratellu ormai
A to lotta hè mea
T'avvii mezu à l'avversità,
Cunnosci i guai
Per fà chi l'idea,
Splendi per a libertà.

Cresce la voce
Sopra à le fruntiere,
Purtendu a speranza quallà
Dannu, veloce,
Canzone straniera,
Chjamendu a sulidarità.

Lacrima pura
Chi sbuccia surgente,
A fiumara di l'unità
Forza sicura
Chi richjara a mente
Soffiu di a verità.

Passa una vita
Di gioia è di pena ;
Passu di fidelità,
Parolla scritta
Chi sempre sumena
L'avvene, chi ne sarà ?

Cresce la voce

**Sopra à le fruntiere,
Purtendu a speranza quallà
Dannu, veloce,
Canzone straniera,
Chjamendu a sulidarità.**

Natale Luciani

Canta u populu corsu